



ს ა ქ ა რ თ ვ ე ლ ო
ლენტეხის მუნიციპალიტეტის საკრებულო
G E O R G I A
CITY COUNCIL OF LENTEKHI MUNICIPALITY



ოქმი:ო97.9723131001

თარიღი:11/05/2023

ლენტეხის მუნიციპალიტეტის საკრებულოს

ბიუროს სხდომის ოქმი N-05

დ. ლენტეხი. 5/ მაისი /2023წ

მიმდინარე წლის 5 მაისს დღის 12 საათზე გაიმართა ლენტეხის მუნიციპალიტეტის საკრებულოს ბიუროს სხდომა. სხდომა გახსნა საკრებულოს თავმჯდომარემ გიორგი გაზდელიანმა. სხდომას ესწრებოდა საკრებულოს ბიუროს 13 (ცამეტი) წევრი.

მოწვეული სტუმრებიდან სხდომას ესწრებოდნენ ლენტეხის მუნიციპალიტეტის მერიის პირველადი სტრუქტურული ერთეულის შიდა აუდიტის სამსახურის უფროსი გერმან ქურასბედიანი, იურიდიული სამსახურის უფროსი ტარიელ აფაქიძე, ლენტეხის მუნიციპალიტეტის მერიის პირველადი სტრუქტურული ერთეულის ეკონომიკის სამსახურის უფროსი სპეციალისტი ირა გვიჭიანი, არქიტექტურის და ინფრასტრუქტურის სამსახურის უფროსი ლევან ლიპარტელიანი, სამშენებლო შედამხედველობის სამსახურის უფროსი გიორგი გულბიანი, ა(ა)ი. პირის სკოლამდელი სააღმწრდელო დაწესებულების დირექტორი ცირო ლიპარტელიანი.

ბიუროს სხდომას ესწრებოდა საკრებულოს პირველადი სტრუქტურული ერთეულის (აპარატის) ხელმძღვანელი მაყვალა ჩანქსელიანი.

მოხსენეს: ბიუროს თავმჯდომარემ გიორგი გაზდელიანმა ბიუროს წევრებს გააცნო დღის წესრიგის პროექტი:

1. საკრებულოს მორიგი სხდომის დღის წესრიგის დამტკიცება.
2. სხვადასხვა.

ბიუროს წევრებმა ღია კენჭისყრით მომხრე -13

წინააღმდეგი -0

გადაწყვიტეს: დამტკიცდეს ლენტეხის მუნიციპალიტეტის საკრებულოს ბიუროს სხდომის დღის წესრიგი.

ბიუროს სხდომის თავმჯდომარემ გიორგი გაზდელიანმა ბიუროს წევრებს გააცნო ბიუროზე განსახილველი საკითხები.

1. ლენტეხის მუნიციპალიტეტის საპრივატიზაციო ქონების ნუსხის დამტკიცების შესახებ;
2. ლენტეხის მუნიციპალიტეტის მერის მისაღების და ოთახის რეაბილიტაციის სამუშაოების პროექტის მოწონების თაობაზე;
3. ლენტეხის მუნიციპალიტეტში მიმდინარე ინფრასტრუქტურული პროექტების მიმდინარეობის შესახებ;

4. ლენტეხის მუნიციპალიტეტის ა. (ა). ი. პირის ლადო მუსელიანის სახელობის მუზეუმის მიმდებარე ტერიტორიის კეთილმოწყობის პროექტის განხილვა;
5. ინფორმაციის მოსმენა - სოფ. სასაშში ემზარ ონიანის სახელობის სკვერის (შეჩერებული პროექტის) შესახებ;
6. სოფ. სასაშში ამირან ონიანის საცხოვრებელი სახლის მდგომარეობის შესახებ;
7. სოფ. სასაშში საბავშვო ბაღის სასმელი წყლის პრობლემის მოგვარების შესახებ;
8. სოფ. კერბულაში დაზიანებული სანიღვრე არხის მდგომარეობის შესახებ;
9. სხვადასხვა.

1. მოისმინეს: ლენტეხის მუნიციპალიტეტის მერიის პირველადი სტრუქტურული ერთეულის ეკონომიკის სამსახურის უფროსმა სპეციალისტი ირა გვიჭიანმა წარმოადგინა საკითხი - ლენტეხის მუნიციპალიტეტის საპრივატიზაციო ქონების ხუსნის დამტკიცების შესახებ. მომხსენებელმა აღნიშნა, რომ სახელმწიფო ქონების სააგენტოს 15.02.2022 წლის N-1/1-729 ბრძანების საფუძველზე ლენტეხის მუნიციპალიტეტის მერიას უსასყიდლოს საკუთრებასი გადმოეცა 3(სამი) ერთეული მოძრავი ქონება. ავტომანქნების ღირებულება გადმოცემის დროს იყო 28000 ლარი, 15000 ლარი და 14000 ლარი. ავტომანქნები გადმოცემისას იყო გაუმართავი. მოხდა სპეციალისტების მიერ მანქნების რემონტისთვის საჭირო თანხების გამოთვლა. აღმოჩნდა, რომ მანქნების რემონტი დიდ თანხებს მოითხოვდა, ამიტომ მერიამ მიიღო გადაწყვეტილება ავტომანქნები გაიტანოს საპრივატიზებოდ. ამისთვის კი აუცილებელია ექსპერტიზის დასკვნა. მოხდა ავტომანქნების შეფასება ლევან სამხარაულის სახელობის სასამართლო ექსპერტიზის მიერ. ექსპერტიზის დასკვნის თანახმად ავტომანქნების საბაზრო ღირებულებამ საორიენტაციოდ შეადგინა 13000 ლარი, 10000 ლარი და 8000 ლარი.

აზრი გამოთქვა: სხდომის თავმჯდომარემ გიორგი გაზდელიანმა - საკრებულოს წინა სხდომაზე განხილვა კითხვები ამ საკითხთან დაკავშირებით და შესაბამისად ვერ მივიღეთ საკრებულომ გადაწყვეტილება. დღეს კი ეკონომიკის სამსახურმა პასუხი გასცა ყველა შეკითხვას, შესაბამისად საკითხი გავა საკრებულოს სხდომაზე.

2. მოისმინეს: მერიის არქიტექტურის და ინფრასტრუქტურის სამსახურის უფროსმა განმარტა, რომ ლენტეხის მუნიციპალიტეტის მერის მისაღების და ოთახის რეაბილიტაციის სამუშაოების პროექტის მოწონების საკითხთან დაკავშირებით იყო კითხვები საკრებულოს სხდომაზე და ვერ იქნა მიღებული დადებითი გადაწყვეტილება. იყო წინადადება ავეჯის შეძენა მომხდარიყო კონსოლიდირებული ტენდერით, მაგრამ ეს პროცესი უკვე დაგვიანებულია და ამ გზით ვერ შევიძენთ ავეჯს.

აზრი გამოთქვა: გიორგი გაზდელიანმა - ყოველთვის ვიმოქმედოთ შესყიდვების კანონის შესაბამისად და პროცესი იყოს გამჭვირვალე. აუცილებლად უნდა გაკეთდეს მერის ოთახი და რადგანაც ვერ ახერხებთ კონსოლიდირებული გზით ავეჯის შეძენას, რატომ უნდა გავიტანოთ ამ საკითხს საკრებულოს სხდომაზე მოსაწონად, მაგრამ აუცილებლად უნდა გაითვალისწინოს მერიამ საკონფერენციო დარბაზში ორი კონდიციონერის დაყენება.

ბიუროს სხდომის გადაწყვეტილებით პირველი და მეორე საკითხები შეტანილი იქნა საკრებულოს სხდომის დღის წესრიგში. მოსმენილი იქნა ინფორმაცია ლენტეხის მუნიციპალიტეტში მიმდინარე ინფრასტრუქტურული პროექტების მიმდინარეობის შესახებ. ბიუროს წევრებმა ცნობად მიიღეს წარმოდგენილი ინფორმაცია.

ბიუროს წევრებმა იმსჯელეს სოფ. სასაშში ემზარ ონიანის სახელობის სკვერის (შეჩერებული პროექტის) თაობაზე და მიიღეს გადაწყვეტილება უახლოეს პერიოდში ჩატარდეს საკრებულოს შესაბამისი კომისიის სხდომა და მერიის ხელმძღვანელობასთან ერთად დაისახოს ხელოვნურად შექმნილი პრობლემის მოგვარების გზები.

რაც შეეხება ლენტეხის მუნიციპალიტეტის ა. (ა). ი. პირის ლადო მუსელიანის სახელობის მუზეუმის მიმდებარე ტერიტორიის კეთილმოწყობის პროექტს, ბიუროს წევრებმა მიიღეს გადაწყვეტილება, რომ მოწონებამდე აუცილებლად უნდა მოეწიოს პროექტის საჯარო განხილვა და აუცილებლად უნდა მოხდეს პროექტის კორექტირება, იმ ფაქტის გათვალისწინებით, რომ მუზეუმი უნდა იყოს ჩვენი რაიონის სავიზიტო ბარათი და აუცილებლად უნდა ვიზრუნოთ პროექტში მუშაობიდან ამალეების ეკლესიაზე მიმავალი გზის დამაკავშირებელი საფენშავლო ხიდის ჩამატებაზე.

ბიუროს სხდომაზე ასევე განხილული იქნა საქართველოს რეგიონული განვითარებისა და ინფრასტრუქტურის სამინისტროს წერილი სოფ. ჩუკულიდან ლეკუძბასტის უბნის ცალკე დასახლებად გამოყოფის თაობაზე. მიიღეს გადაწყვეტილება - შესაბამის მასალა გადაეგზავნოს მერიას და ეთხოვოს წარმოადგინოს საკითხი საქართველოს დადგენილებით და კანონმდებლობით განსაზღვრული წესის, პირობებისა და პროცედურების შესაბამისად. (დანართი თან ერთვის).

ბიუროს სხდომის გადაწყვეტილებით ეთხოვა მერიას გაითვალისწინოს ჯოკია მემველიანის სახელობის სკვერთან ლილეში ამავალი გზის ფერდობის შემაკავებელი

კედლის გაკეთება;

ბიუროს სხდომაზე საკრებულოს თავმჯდომარემ გიორგი გაზდელიანმა ხაზი გაუსვა იმ გარემოებას, რომ საკრებულო ცდილობს მაქსიმალურად კომუნიკაციაში იყოს მოსახლეობასთან და არ დაგროვდეს პრობლემები. შესაბამისად დაიწყო გასვლითი შეხვედრები მოსახლეობასთან. ერთერთი ასეთი შეხვედრა მოეწყო ჟახუნდერის თემის მოსახლეობასთან. გამოიკვეთა შემდეგი პრობლემები:

1. სოფ. ჟახუნდერში - ამირან ონიანის სახლის მდგომარეობა არის საგანგაშო. გადაწყვიტეს: ეთხოვოს მერიის შესაბამის სამსახურს ადგილზე მისვლით გადაამოწმოს ამ ოჯახის მდგომარეობა და დროულად დადოს დასკვნა, თუ რა მოცულობის სახურავი დასჭირდება ამ ოჯახს, რომ შესაძლებლობის ფარგლებში მეორადი სახურავით მაინც დავეხმაროთ;

ანალოგიური პრობლემა აქვს სოფ. ზედა წანაში დათო ლიპარტელიანის ოჯახს. გთხოვთ გაითვალისწინოთ აღნიშნული პრობლემები.

2. სოფ. სასაში საბავშვო ბაღის მდგომარეობა არის საგანგაშო. არ არის წყალი, მაცივარი, სველი წერტილი. ეთხოვოს საადმინისტრაციულ დაწესებულებების დირექტორს ცირა ლიპარტელიანს ამ ეტაპზე მოაგვაროს ეს პრობლემები და 2023 წლის ბიუჯეტის კორექტირების დროს გასწორდება შესაბამისი ფინანსები;

რადგანაც აღნიშნული პრობლემები არის თითქმის ყველა ბაღში, ეთხოვა მერიის შესაბამის სამსახურს მოამზადოს პროექტი - ყველა ბაღში ელემენტარული ჰიგიენური პირობების შექმნაზე და დაისახოს შესაბამისი ღონისძიებები, მით უმეტეს, რომ იწყება ავტორიზაციის პროცესი და ამ მდგომარეობით ვერცერთი ბაღი ვერ გაივლის ავტორიზაციის პროცესს;

3. კერბულაშის უბანში მცირეწლოვან ბავშვებიან ოჯახს აქვს პრობლემა გრუნტის წყლის გამო, რომელიც გადმოდის კალაპოტიდან. გადაწყვიტეს: ეთხოვოს მერიას, გაითვალისწინოს უახლოეს პერიოდში აღნიშნული პრობლემის მოგვარება.

ლენტეხის მუნიციპალიტეტის საკრებულოს ბიუროს სხდომა დამთავრდა 14 საათსა და 40 წუთზე.

გიორგი გაზდელიანი

ლენტეხის მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი

